

# ԹՈՐՈՍ ԹՈՐԱՆԵԱՆ. ՎԵՐՋԻՆ ՄՈՒՆԻԿԱՆԸ

*Posted on June 9, 2021 by Keghart*



Category: [Opinions](#)



**Կեանքին հրաժեշտ տուլալ սփիւռքահայ մտաւորականութեան տիպար ներկայացուցներէն ԲԺ. Թորոս Թորանեան: Ծնած էր Հալէպ, 1928-ին: Աւարտած էր Մելգոնեան Կրթական Հաստատութիւնը, ապա բժշկական մասնագիտութիւնը ձեռք բերած էր Երեւանի Պետական Բժշկական Համալսարանէն: Ան անդամ էր Հայաստանի գրողներու միութեան: Գործօն մասնակցութիւն ցուցաբերած է յատկապէս հալէպահայ կեանքէն ներս որպէս ազգային-հասարակական եւ մշակութային գործիչ եւ հայ-արաբական բարեկամութեան նուիրեալ մտաւորական: Հրատարակած է բազմաթիւ հատորներ եւ օժանդակած է հարիւրաւոր գիրքերու եւ գրքոյկներու հրատարակման: Թորոս Թորանեան առաջին մէկ օրէն թիկունք կեցաւ «Գեղարդ» պարբերաթերթին առաքելութեան: Ան «Լիբանանահայ Գրական Ծրջանակ»ի երբեմնի գործօն մասնակիցներէն էր, ջատագովը՝ Տարագիր Արեւմտահայութեան Համաշխարհային Քոնկրեսի (ՏԱՀՔ) գաղափարին, մասնակից՝ **Արեւմտահայոց ազգային կոնկրեսի** ստեղծման նախնական աշխատանքներուն: Իր մեկնումով մեծ բաց մը կը գոյանայ հայ գրականութեան եւ հասարակական գործունեութեան ասպարէզին մէջ: Այս տխուր առթիւ [keghart.org](http://keghart.org)-ի խմբագրական կազմը իր խորագգած ցաւակցութիւնները կը յայտնէ հանգուցեալի հարազատներուն: Խմբ.**

Մանուէլ Քէշիշեան, [Civilnet](http://Civilnet), Հալէպ, 3 Յունիս 2021

Յունիս 3-ի առաւօտուն Երեւանի մէջ երկրային կեանքին հրաժեշտ տուլալ Թորոս Թորանեան:

Այս գոյժը նախ տուին բժիշկին դուստրը Անին ու թոռնուհի Նուշիկը եւ ապա, բոլորովին զարմանալի չէ, բժիշկին մեկնումը գուժեցին հարիւրաւոր, ամենատարբեր մասնագիտութեան տեր մարդիկ աշխարհի բոլոր կողմերէն:

Չարմանալի չէ, որովհետեւ տօքթորը ամէն տեղ, ամէն տեսակ բարեկամներ ուներ, ամէն արհեստի եւ ամէն տարիքի տեր մարդիկ. մտաւորականներուն եւ ղեկավար դէմքերուն ծանօթ էր, արհեստաւորներն ու գործաւորներն ալ իրեն ծանօթ էին: Հալէպէն գիտեմ, տօքթոր Թորանեանին առաւօտ կանուխ կամ ուշ գիշեր կարելի էր հանդիպիլ, օրինակ, հայ արհեստաւորի մը խանութին մէջ, ուր կը սրճեր իր շուրջ հաւաքուած հայ արհեստաւորներուն հետ: Թորանեանին կարելի էր հանդիպիլ դպրոցի մէջ, ակումբը՝ մանուկներուն հետաքրքրական պատմութիւններ պատմելու ընթացքին, իսկ տօքթորին պատմութիւնները անվերջանալի էին:

Մեր կորսնցուցած սիրելի մարդու մը մասին գրելը դժուար է կ'ըսենք յաճախ: Տօքթոր Թորանեանին մասին գրելը շատ դիւրին է, երկու պատճառաւ, նախ որովհետեւ ինք այնքա՛ն բաց մարդ էր եւ երկրորդ չէնք ընդունիր որ ինք չկայ այլեւս:

Խառնակ եւ փոթորկալից կեանք մը ունեցած էր Թորանեան Տօքթօրը, երիտասարդութեան եղած էր հաւատաւոր համայնավար՝ *կոմունիսթ*: Քառասունական-յիսունական թուականներուն Միջին Արեւելքի մէջ համայնավար ըլլալը Խորհրդային Միութեան մէջ կոմունիսթ ըլլալուն չի նմանիր: Անոնք հալածուած էին իշխանութիւններուն կողմէ եւ միմիայն հաւասարութեան հանդէպ ունեցած իրենց ունեցած հաւատքէն ուժ կ'առնէին դիմանալու հալածանքներուն: Թորանեան շրջան մը ապրած էր Պէյրութ, ուր աշխատած էր որպէս լուսանկարիչ, ապա ինքն ու կինը՝ Արմինէն գացած էին Պուլկարիա ուսանելու, իրենց ուսումը շարունակելու համար, գաւակներով փոխադրուած էին Երեւան, ուր Թորանեան իր ընտանիքին ապրուստը հայթաթած էր Մամուլի մէջ գրելով:

Չեմ գիտեր բժիշկ Թորանեան գրողին մասին ով պիտի գրէ, մինչ ինք կը գրէր բոլոր գրողներուն մասին: Քովս ամբողջ պահարան մը լեցուն է տօքթօրին ձեռագրերով, որոնց մէջ մեծ է թիւը ծանօթ եւ անծանօթ գրողներու նորատիպ գիրքերու մասին գրախօսութիւններուն:

- Մանուէլ,-կ'ըսէր.- ամէն ինչ մէկ կողմ ձգէ եւ հաճիս ասիկա այսօր գրաշարէ:
- Ի՞նչ է ասիկա տօքթօր,- կը հարցնէի:
- Հայերէն նոր գիրք մը տպուած է, մարդիկ թող գիտնան:

Բժիշկը տարօրինա՞կ մարդ էր, երբ կ'ուրախանար ուրիշի գիրքով: Տարօրինա՞կ բան մը կ'ըներ, երբ մէկու մը գրութիւնը հաւնէր, առանց հեղինակին ըսելու, կ'առնէր եւ կը դրկէր թերթի մը մէջ հրատարակութեան: Չարմանալի՞ է որ հարիւրէ աւելի իր ծախսով հրատարակած գիրքերու շարքին կային նաեւ այլոց գրութիւնները: Իսկ իր գիրքերը Հայաստանի եւ Սփիւռքի վերջին 50-60 տարիներու պատմութեան մէկ մասնիկն են, որոնք կը պարունակեն գեղարուեստականօրէն գրուած ժամանակագրական վաւերական նիւթեր:

Հալէպի մէջ իր վերջին գիրքը 2013-ին, տպարան Արեւելքի մէջ տպուած «Խառնակ Օրեր Հալէպի մէջ» մանրապատումներու շարքն էր, որ մեր տագնապալի առօրեայի մասին առաջին հրատարակուող գիրքը եղաւ:

Այդ մանրապատումներու շարքին էր նաեւ «Ծիածանը»...

-Տօքթօր Տեսա՞ր ծիածանը:

Տօքթօրը տեսած էր ծիածանը եւ խաղաղութիւն աւետող այդ ծիածանին մասին յօդուած էստէ մը (փորձագրութիւն) գրելու սկսած էր:

Այդ ծիածանը 2012 թուականին էր, Հալէպի խառնակ օրերուն եւ Թորանեան լաւատես մարդը անոր երեւումով երկրին գալիք խաղաղութեան աւետումը ուզած էր տեսնել:

Հալէպը Թորանեանին համար չդադրեցաւ մնայուն երազային քաղաքը ըլլալէ, թէեւ ինք

ականատես կ'ըլլար Հալեպի քանդումին, անլին, ամենուն պես, ամենուն հետ կ'ապրեր քաղաքին մէջ տիրող ամբողջ արհաւիրքը, բոլորին պէս կը գրկուէր խմելու ջուրէ, մուրփն մէջ կը քալէր կայծհանի լապտերիկով, մուրփն մէջ գլուխը տեղ մը կը զարներ եւ կը պատռէր, ամբողջ օր մը կտոր մը հացով կ'անցըներ, ձմրան ցուրտին երկու երեք վերմակով ծածկուելով կը փորձէր ձեւով մը դիմանալ, կը քալէր հրասանդներու տարափին տակ, բայց, չէր հեռանար քաղաքէն:

Տօքթորենց տունը հեռու էր, Համտանիէի վիլլաներու թաղամասը կ'ապրէին: Գրեթէ ամէն երեկոյ տուն երթալնէն առաջ տիկնոջ՝ Արմինէին հետ մեզի հիւր կու գային, պարապ ձեռքով չէին գար, ընդհանրապէս պտուղով բեռնաւորուած կու գային: Երկա՛ր, երկարօրէ՛ն կը գրուցէինք սուրհահայութեան, սփիւռքի եւ մեր հայրենիքին մասին: Իսկապէս գիտելիքներու շտեմարան մըն էր Թորանեան: Տօքթորը միշտ կը քրտ կը խօսէր, կը քրտ կը պաշտպանէր իր սկզբունքները: Հայաստանը իրեն համար գոյն չունէր, Հայաստանը հայրենիք էր՝ ամէն հայի տուն: Խորհրդային տարիներուն ալ այդպէս էր, անկախութեան տարիներուն ալ, Տէր Պետրոսեանի եւ յաջորդ իշխանութիւններուն տարիներուն ալ: Հայաստանը մերն էր՝ բոլոր հայերունը, եւ ամէն հայ ՀԱՅ էր՝ անկախ իր կուսակցական պատկանելիութենէն: Ամէն իմաստ այդ բառին մէջ կը տեղաւորուէր: Տագնապի առաջին տարիներուն անելի դիւրին էր, սակայն իր տիկնոջ Արմինէին մահուընէ ետք ամէն ինչ փոխուեցաւ իրեն համար: Ան մինակ մնաց, միակ միտքարութիւնը ամէն օր տիկնոջ նուիրուած բանաստեղծութիւն մը գրելն էր, զոր յուզմունքով կը կարդար ինծի եւ կու տար որ գրաշարեմ, որպէսզի յետոյ գրքոյկի մը մէջ ամփոփէր: Արմինէն եղած էր իր կեանքի իրական ընկերը:

Իր դուստրը՝ Անին զինք հանգիստ չէր ձգեր, անընդհատ կը ստիպէր, կը պնդէր որ հեռանայ Հալեպէն ... Կը յիշեմ, առտու կանուխ գացի զինք ճանապարհելու: Այդ օրերուն վտանգաւոր էին ճանապարհները, որոնց մէկ մասը կը գտնուէր զինեալ ընդդիմադիրներու հսկողութեան տակ: Վառորդը իրեն խորհուրդ տուաւ չըսել, որ մասնագիտութեամբ բժիշկ է, որպէսզի չենթարկուի զինեալներու կողմէ առեւանգուելու սպառնալիքի:

Թորանեան դժկամութեամբ մեկնեցաւ Հալեպէն, իրեն կը թուար, թէ այդ օրերուն Հալեպէն հեռանալը դասալքութիւն է, ինք պէտք է իր ժողովուրդին հետ մնար... սակայն չկրցաւ մէկ տարիէ անելի դիմադրել իր դստեր Անիին թախանձանքներուն եւ գնաց...

Թորանեանին բարի ճանապարհ ըսելէ ետք, քայլերս ուղղեցի դէպի «Արեւելք»՝ տպագրութեան յանձնելու գրաշարածս իր «Խառնակ Օրեր...»ը...

Այդ օրուընէ տարիներ ետք, Երեւանի մէջ մի քանի անգամ միասին զարեջուր խմեցինք, Տօքթորը սկսած էր ծերանալու նշաններ տալ, կեանքով լեցուն, կեանքը սիրող, իր ըսելով Աստուծոյ հետ հարիւր տարիէ շատ անելի ապրելու համաձայնագիր կնքած տօքթորը կը ծերանար եւ ահա...

### Յուլիս 3-ի առաւելումն Երեւանի մէջ...

Թորոս Թորանեանին յոբելիսական ամեակները տօնուած են, վերջինը՝ 90 ամեակը տօնուեցաւ Երեւանի մէջ... չեմ գիտեր՝ ըստ արժանւո՞յն...

**There are no comments yet.**